



第一四六冊

四庫全書

●上海古籍出版社

本冊目次

晦
別續

庵

集集集
(四)

宋朱熹撰……………一

欽定四庫全書

集部

晦庵集卷八十五

詳校官庶吉士臣朱理

主事臣呂雲棟覆勘

總校官庶吉士臣倉聖脉

校對官中書臣葉蘭

謄錄監生臣張元任

欽定四庫全書

晦庵集卷八十五

宋朱子撰

銘箴贊表疏啓婚書上梁文

講座銘

紹興二十三年新安朱熹仲晦來為吏於同安而兼領其學事越明年五月新作講座以臨諸生顧其所以作之意不可以不銘銘曰

師道絕塞以圯其居余其言言亦莫我敢都前聖後師

晦庵集卷八十五

文不在茲如或見之有儼其思立之堂壇惟以有嚴厥臨孔昭式訛爾瞻

四齋銘

志道

曰趨而挹者孰履而持曰飢而寒者誰食而衣故道也者不可須臾離子不志於道獨固罔其何之

據德

語道術則無往而不通談性命則疑獨而難窮惟其厚

於外而薄於內故無地以崇之

依仁

舉之莫能勝行之莫能至雖欲依之安得而依之為仁
由己而由人乎哉雖欲違之安得而違之

游藝

禮云樂云御射數書俯仰自得心安體舒是之謂游以
游以居嗚呼游乎非有得於內孰能如此其從容而有
餘乎

欽定四庫全書

明倫彙編
卷八十五

鼓銘

擊之鐘兮朝既暘兮巧趨蹌兮

至樂齋銘

葉學古讀書蕭寺取歐陽子詩語名其室曰至樂紫
陽朱熹仲晦父實為之銘

呻吟北窓氣鬱不舒我讀我書如病得甦客問此書中
作何味君乃嗜之如此其至趣為子語無味乃然是有
味者乃痛乃癯天下之樂我不敢知至歐陽子乃噉斯

詩我思古人實感我心惟曰惜惜式鈞且深

南劍州尤溪縣學明倫堂銘

天敘有典匪學弗明我作此堂大猷是經匪忠曷勸匪
孝曷程咨爾學子永觀厥成

又四齋銘

崇德

尊我德性希聖學兮玩心神明蛇污濁兮

廣業

欽定四庫全書

明倫彙編
卷八十五

樂節禮樂道中庸兮克勤小物奏膚公兮

居仁

勝己之私復天理兮宅此廣居純不已兮

由義

羞惡爾汝勉擴充兮遵彼大路行無窮兮

學古齋銘

浦城周侯嗣恭葺其先太父徽猷公所作學古齋以
教齊宗族子弟新安朱熹為題其榜周侯又來請銘

則推其意乃作銘曰

相古先民學以為己今也不然為人而已為己之學先誠其身君臣之義父子之仁聚辨居行無怠無忽至足之餘澤及萬物為人之學熒然春華誦數是力纂組是誇結駟懷金煌煌煒煒世俗之榮君子之鄙維是二者其端則微眇綿弗察胡越其歸卓哉周侯克承先志日新此齋以迪來裔此齋何有有圖書版裔斯何衣冠進趨夜思晝行咨詢謀度絕今不為惟古是學先難後

欽定四庫全書

詩集

卷八十五

四

獲匪匪匪徐我其銘之以警厥初

尊德性齋銘

內弟程允夫以道問學名齊子謂當以尊德性易之允夫請銘因為作此

維皇上帝降此下民何以予之曰義與仁維義與仁維帝之則欽斯承斯猶懼弗克孰昏且狂苟賤汙卑淫視傾聽情其四肢褻天之明慢人之紀甘此下流衆惡之委我其監此祇栗厥心有幽其室有赫其臨執玉奉盈

須臾顛沛任重道遠其敢或怠

敬恕齋銘

莆陽陳師中讀書之室新安朱熹題以敬恕且為之銘

出門如賓承事如祭以是存之敢有失墜已所不欲勿施于人以是行之與物皆春胡世之人恣已窮物惟我所便謂彼異邱孰能反是皦焉厥躬于牆于羹仲尼仲弓內順于家外同于邦無小無大因時怨恫為仁之功

欽定四庫全書

詩集

卷八十五

五

曰此其極敬哉恕哉永永無斁

求放心齋銘

番陽程正思作求放心齋汪子卿祝汝玉既為之銘新安朱熹擬其遺意復為作此

天地變化其心孔仁成之在我則主于身其主伊何神明不測發揮萬變立此人極晷刻放之千里其奔非誠曷有非敬曷存孰放孰求孰亡孰有屈伸在臂反覆惟手防微謹獨茲守之常切問近思曰惟以相之

書字銘

明道先生曰某書字時甚敬非是要字好只此是學握管濡毫伸紙行墨一在其中點點畫畫放意則荒取妍則惑必有事焉神明厥德

劉屏山復齋蒙齋二琴銘

屏山先生之琴二其嗣子珥葆藏之明人朱熹敬為作銘

匪金匪石含玉真兮雷伏于腹閱其神兮砰然一作萬

欽定四庫全書

明倫彙編
卷八十五

六

物皆春兮我觀器寶懷若人兮主靜觀復修厥身兮與時偕屈而不及其伸兮復齋

柿之幽然者若直其遇險而止寫之冷然者若導其出山之泉蓋先生之言不可得而聞矣若其亨貞之意則

託絃器而猶傳蒙齋

黃子厚琴銘

黃子琴號純古晦翁銘之

無名之樸子所琴兮扣之而鳴獲我心兮杳而弗黜麗

弗淫兮維我知子山高而水深兮

紫陽琴銘

養君中和之正性禁爾忿欲之邪心乾坤無言物有則我獨與子鈎其深

尺銘

有蟲其絃有棘斯緯字體變化忽與神會倨句如矩其繩則直我端我躬允相茲尺

又

欽定四庫全書

明倫彙編
卷八十五

七

魯曾氏作斯器正文字昇來系

窗銘

言思變動思蹟過思奪端爾躬正爾容一爾衷

寫照銘

乾道九年歲在癸巳予年四十有四而容髮凋悴遽已如此然亦將修身以畢此生而已無他念也福唐

元為予寫照因銘其上以自戒云開

端爾躬肅爾容檢於外一其中力於始遂其終操有要

保無窮

題魏府藏趙公飲器

趙公飲器魏府藏我思兩公愛甘棠惟魏子孫寶無數

敬奉其盈如弗克平陵朱熹拜手書

魏國公府庠爵銘

丞相趙公所魏公者

天水公屹堂堂舉兕爵孰敢當惟魏公一心膺受藏之永終古後之人奉其盈如不克視熹銘

懷玉硯銘

欽定四庫全書

明倫彙編

卷八十五

八

我輯墜簡大法以存孰摯其實使與斯文點染之餘往壽通客墨爾臺端母俾玄白

慶元丁巳三月庚子

懷玉南谿近出此石徐斯遠以予方討禮篇持以為

贈會分半稿以屬呂子約於高安因掇寄之慶元強

圉大荒落日南至晦翁記

藏書閣書厨字號銘

於穆元聖繼天測靈出此謨訓惠我光明永言寶之匪

金殿籙含英咀實百世其承

敬齋箴

讀張敬夫主一箴擬其遺意作敬齋箴書齋壁以自

警云

正其衣冠尊其瞻視潛心以居對越上帝足容必重手容必恭擇地而蹈折旋蟻封出門如賓承事如祭戰戰兢兢罔敢或易守口如瓶防意如城洞洞屬屬罔敢或輕不東以西不南以北當事而存靡他其邁弗貳以二弗參以三惟精惟一萬變是監從事於斯是曰持敬動

欽定四庫全書

明倫彙編

卷八十五

九

靜無違表裏交正須臾有間私欲萬端不火而熱不冰而寒毫釐有差天壤易處三綱既淪九法亦斁於乎小子念哉敬哉墨卿司戒敢告靈臺

調息箴

鼻端有白我其觀之隨時隨處容與徜徉靜極而噓如春沼魚動極而翕如百蟲蟄氣氤開闢其妙無窮孰其尸之不宰之功雲卧天行非予敢議守一處和千二百歲

易五贊

原象

太乙肇判陰降陽升陽一以施陰兩而承惟皇昊義仰觀俯察奇耦既陳兩儀斯設既幹乃支一各生兩陰陽交錯以立四象奇加以奇曰陽之陽奇而加耦陽陰以章耦而加奇陰內陽外耦復加耦陰與陰會兩一既分一復生兩三才在目八卦指掌奇奇而奇初一日乾奇奇而耦兌次二焉奇耦而奇次三曰離奇耦而耦四震欽定四庫全書

晦庵集
卷八十五

十

以隨耦奇而奇巽居次五耦奇而耦坎六斯睹耦耦而奇艮居次七耦耦而耦八坤以畢初畫為儀中畫為象上畫卦成人文斯朗因而重之一貞八悔六十四卦由內達外交易為體往此來彼變易為用時靜而動降帝而王傳夏歷商有占無文民用弗彰文王繫彖周公繫爻視此八卦二純六交乃乾斯父乃坤斯母震坎艮男巽離兌女離南坎北震東兌西乾坤艮巽位以四維建官立師命曰周易孔聖傳之是為十翼遭秦弗燼及宋

而明邵傳義畫程演周經象陳數列言盡理得彌億萬年永著常式

述旨

昔在上古世質民淳是非莫別利害不分風氣既開乃生聖人聰明睿智出類超羣仰觀俯察始畫奇耦教之下筮以斷可否作為君師開鑿戶牖民用不迷以有常守降及中古世變風移淳澆質喪民偽日滋穆穆文王身蒙大難安土樂天惟世之患乃本卦義繫此彖辭爻欽定四庫全書

晦庵集
卷八十五

十一

及周公六爻是資因事設教丁寧詳密必中必正乃亨乃吉語子惟孝語臣則忠鉤深闡微如日之中暨乎末流淫于術數儻句成欺黃裳亦誤大哉孔子晚好是書韋編既絕八索以法乃作彖象十翼之篇專用義理發揮經言居省象辭動察變占存亡進退陟降飛潛日毫曰釐匪差匪謬加我數年庶無大咎恭惟三古四聖一心垂象炳明千載是臨惟是學者不本其初文辭象數或肆或拘嗟予小子既微且陋鑽仰沒身奚測奚究匪

警滋荒匪識滋漏維用存疑敢曰垂後

明筮

倚數之元參天兩地衍而極之五十乃備是曰大衍虛一無為其為用者四十九著信手平分置右於几取右一著掛左小指乃以右手揲左之策四四之餘歸之于扚初扚左手無名指間右策左揲將指是安再扚之奇通掛之算不五則九是謂一變置此掛扚再用存策分掛揲歸復準前式三亦如之奇皆四八三變既備數斯

欽定四庫全書

禮典集

十二

欽定四庫全書

禮典集

十二

可察數之可察其辨伊何四五為少八九為多三少為九是曰老陽三多為六老陰是當一少兩多少陽之七

孰八少陰少兩多一既得初爻復合前著四十有九如前之為三變一爻通十八變六爻發揮卦體可見老極而變少守其常六爻皆守彖辭是當變視其爻兩兼首尾變及三爻占兩卦體或四或五視彼所存四二五一二分一專皆變而他新成舊毀消息盈虛捨此視彼乾占用九坤占用六泰愕匪人始喜來復

稽類

八卦之象說卦詳焉考之於經其用弗專彖以情言象以象告惟是之求斯得其要乾健天行坤順地從震動為雷巽入木風坎險水泉亦雲亦雨離麗文明電日而火艮止為山兌說為澤以是舉之其要斯得凡卦六虛奇耦殊位奇陽耦陰各以其類得位為正二五為中二臣五君初上終貞悔體分爻以位應陰陽相求乃得其正凡陽斯淑君子居之凡陰斯慝小人是為常可類求變非例測非常曷變謹此為則

警學

讀易之法先正其心肅容端席有翼其臨于卦于爻如筮斯得假彼象辭為我儀則字從其訓句逆其情事因其理意適其平曰否曰臧如目斯見曰止曰行如足斯踐毋寬以略毋密以窮毋固而可毋必而通平易從容自表而裏及其貫之萬事一理理定既實事來尚虛用應始有體該本無稽實待虛存體應用執古御今由靜

制動潔靜精微是之謂易體之在我動有常吉在昔程氏繼周紹孔與旨宏綱星陳極拱惟斯未啟以俟後人小子狂簡敢述而申之

復卦贊

萬物職職其生不窮孰其尸之造化為工陰闔陽開一靜一動於穆無疆全體妙用奚獨於斯潛陽壯陰而曰昭哉此天地心蓋翕無餘斯闢之始生意翕然具此全美其在于人曰性之仁斂藏方寸包括無垠有茲其明欽定四庫全書
晦庵集
卷八十五
十四

六先生畫像贊

漁溪先生

道喪千載聖遠言湮不有先覺孰開我人書不盡言圖不盡意風月無邊庭草交翠

明道先生

揚休山立玉色金聲元氣之會渾然天成瑞日祥雲和風甘雨龍德正中厥施斯普

伊川先生

規員矩方繩直準平允矣君子展也大成布帛之文菽粟之味知德者希孰識其實

康節先生

天挺人豪英邁蓋世駕風鞭霆歷覽無際手探月窟足躡天根閑中今古醉裏乾坤

欽定四庫全書

晦庵集
卷八十五

十五

橫渠先生

早悅孫吳晚逃佛老勇撤臯比一變至道精思力踐妙契疾書訂頑之訓示我廣居

涑水先生

篤學力行清修苦節有德有言有功有烈深夜大帶張拱徐趨遺象凜然可肅薄夫

張敬夫畫象贊

亡友荊州牧張侯敬夫畫象新安朱熹為之贊曰

擴仁義之端至於可以彌六合謹善利之判至於可以析秋毫拳拳乎其致王之切汲汲乎其幹父之勞伋伋乎其任道之勇卓卓乎其立心之高知之者識其春風沂水之樂不知者以為湖海一世之豪彼其楊休山立之姿既與其不可傳者死矣觀於此者尚有以卜其見伊呂而失蕭曹也耶

呂伯恭畫象贊

括蒼潘君叔度畫其先師東萊呂氏伯恭父之象于

欽定四庫全書

時庵集
卷八十五

十五

可菴退老堂之上曰使西河之民毋疑我於夫子也屬其友朱熹贊之為作詞曰

以一身而備四氣之和以一心而涵千古之祕推其有足以尊王而庇民出其餘足以範俗而垂世然而狀貌不踰於中人衣冠不詭於流俗迎之而不見其來隨之而莫睹其躡矧是丹青孰形心曲惟嘗見之者於此而復見之焉則不但遺編之可續而已也

陳明仲畫象贊

故侯官大夫陳君明仲之象友人朱熹仲晦父贊之曰

介然而不使人忌者其自持之謹溫然而不使人狎者其汎愛之和其仕也自詭以循良之最其學也自期以德行之科嗚呼孰謂其齎此志而中道以沒使吾老於其里而不得為東阡北陌之經過也耶

程正思畫象贊

程君正思畫象朱仲晦父作贊

欽定四庫全書

時庵集
卷八十五

十七

嗚呼正思退然如不勝衣而自勝有以舉焉獲之任言若不出諸口而衛道有以摧鬚行之鋒俛焉日有孳孳者吾方未見其止乃一朝而至此則天曷為而不假之壽以成其終嗚呼此猶未足以見其七分之貌來者亦姑以是而想象其遺風紹熙壬子重陽前一月書

月字
疑日

字之
誤

書畫象自警

從容乎禮法之場沈潛乎仁義之府是予蓋將有意焉

而力莫能與也佩先師之格言奉前烈之餘矩惟闇然而自修或庶幾乎斯語

聚星亭畫屏贊并序

按世說陳太丘詣荀朗陵貧儉無僕役乃使元方將

車季方持杖從後長文尚小載著車中

後漢書曰陳實字仲弓穎

川許人嘗為閭喜令遷太丘長修德清靜百姓以安後以黨人連及逮捕人多逃避求免實曰我不就獄眾無所恃乃請曰遇過捕出宜者張讓權傾天下父死歸葬穎川名士無往弔者而實獨弔焉後復誅黨人讓以實故多所全宥實任在鄉閭平心率物或有爭訟輒求判正曉譬曲直遲無怨者黨禁解累微不

欽定四庫全書

時周集

卷八十五

起年八十四卒諡曰文範先生又曰荀淑字季和穎

川穎陰人也少有高行博學而不好華句州里稱其知人李固李膺皆師宗之舉賢良方正對策議判貴

倖梁冀忌之出補朗陵侯相益事明理稱為神君衆官而歸閑居養志又曰陳紀字元方實長子也至德

絕俗與實高名並著而弟龍字季方又配之每宰府辟召兼雁成奉世號三君百城皆

門慈明行酒餘六龍下食文若亦小坐著膝前

荀淑有八

子倫純靖無注典肅數居西豪里縣令范康曰昔高

陽氏有才子八人遂署其里為高陽里時人號曰八

龍靖字叔慈有至行不仕早卒號曰玄行先生與字慈明年十二通春秋論語穎川為之語曰荀氏八龍慈明無雙舉至孝拜郎中對策陳便宜數千言即棄官去後坐黨網隱遁十餘年董卓用事徵拜司空與

以卓忌暴終危社稷多舉才畧之士與王允等密謀討之未及而以病終後允乃亮誅卓綱子或字文若少時父以畏禍為舉宦者唐衡女後從曹操以為謀主比之于房及操將受九錫或諫止之遂為所害或亦于時太史奏真人東行

諸晉陽秋曰陳仲弓從諸子徑造荀父于時

德星聚太史奏考亭陳氏故有離榭名以聚星蓋取

五百里賢人聚

續陽秋語中更廢壞近始作新適邇敝廬因得相其

役事既又為之本原事迹畫著屏上并為之贊以視

來者云

欽定四庫全書

時周集

卷八十五

猗歟陳子神嶽鍾英文淵範懿道廣心平危孫汙隆卷

舒自我是曰庶幾無可不可獻身安眾弔豎全邦炯然

方寸秋月寒江願言懷人曰我同志故朗陵君荀季和

氏連峯對起麗澤潛滋優而不見有黜其思薄言造之

顧無僕役獨呼二兒駕予以出青芻黃犢布幘柴車策

紀前衛杖謔後趨所造伊何高陽之里維時荀君聞至

而喜顧謂汝靖往應于門七龍矯矯布席開尊靖肅而

前翁拜其辱何悟斯晨得見清穆命真行觴旅饋次陳

獻酬交錯禮度情親載笑載言罔非德義益邁乃猷以

輔斯世髦髦兩稚亦著膝前原深本固莫出匪賢維此
慈明特謝儔匹晚際國屯敢憚濡迹贅旒之命恃以少
延邦朋之最孰與為先郁乃附曹羣亦忘漢嗣守之難
古今共歎崇臺同極予以占天猶曰茲野德星萃焉我
寓有亭舊蒙斯號今刺前聞象儀以告高山景行好德
所同課忠責孝獨舉余衷百爾窺臨竟考母急死國承
家永奉明戒

南康軍到任謝表

欽定四庫全書

明倫彙編
卷八十五

二十

臣熹言伏奉勅命差臣權發遣南康軍尋具辭免奉聖
旨不允辭免令疾速前去之任候任滿前來奏事臣已
於淳熙六年三月三十日到任交割職事訖者迂愚無
用久陪香火之班臨照不遺驟假兵民之寄懇辭弗獲
宣布云初感極涕零愧深汗洽中謝伏念臣受材凡近
賦性顛蒙徒能讀古人之書夫豈識當世之務頃蒙登
進獲奉清閒總遠迹於丘樊遂閱歲華之久顧馳心於
魏闕敢忘葵藿之誠中兩奉於除書亦屢祇於召節銜

哀抱病既莫效於驅馳假寵疏榮反縻膺於眷獎方誓
堅於素守庶少答於殊知豈意因仍復陪任使論資校
考既已極於超踰揣分量能懼愈難於稱塞矧自垂於
夙志又仰負於前恩雖嘗控漚而莫回終坐懦庸之無
守遂扶衰朽暫別故山已見吏民具宣德意豈曰昨非
而今是實錄義重而身輕以蓋伏遇皇帝陛下性得堯
仁道高舜哲念安民之不易故慮尤軫於遠方謂知人
為甚難故用或收於棄物致茲孱弱亦備使令臣敢不
仰奉詔條俯詢民瘼儻粗聞於疾疚詎辭撫字之勞冀
少假於旬時卒上退歲之請尚全末路克對寵光

浙東提舉到任謝表

欽定四庫全書

明倫彙編
卷八十五

二十一

宣教郎直秘閣提舉兩浙東路常平茶鹽公事臣朱熹
上表臣言準告授臣前件差遣填見闕臣已於今月六
日就本路蕭山縣交割職事訖者擢於偏壘付以外臺
便道造朝單車詣部延見父老問其疾苦之因宣布詔
書諭以丁寧之意榮踰望表懼溢情涯中謝伏念臣生

長田間棲遲林壑居然朴拙見謂迂踈潛心竊慕於師承行已敢干於義命會逢聖旦參預時流驟自草萊起分符竹乾坤大德施且不贊螻蟻私情報於何所屬歎歲民無艱食謂愚臣職有微勞寵之冊府之華畀以近畿之節雖駕馬之十駕後者鞭之然艱艱之五窮技止此耳毋乃累公朝之選重以為多士之羞茲蓋恭遇皇帝陛下闢舜四門馭周八柄欲尺寸之長並用致辱微之品亦收比奉對揚親叨臨遣大明委照不棄負新之

欽定四庫全書

明倫彙編
卷八十五

三

言雲露疏恩更下賜綬之令顧憂所在稱塞為難臣惟當恪意講求因時施舍不能則止戒小闕之闕當官而行慕古人之報國庶殫毫末上答丘山臣無任

謝依所乞仍舊直寶文閣及賜詔書獎諭表

臣熹言臣昨具狀辭免新除秘閣修撰恩命近準尚書省劉子奉聖旨依所乞仍舊直寶文閣仍賜臣詔書一道特加獎諭者白記上聞幸曲全於愚守壘封下逮庸特示於異恩祇服以還戰兢無已

中謝

伏念臣學雖違

俗意敢近名徒以迂踈蚤絕榮途之望乃遭神聖晚深國士之知中少放於驅馳竟靡聞於報稱及奉金華之名寧忘丹宸之忠顧惟塵腐之淺聞莫副緝熙之隆指逮復退閑之秩仍升論議之華寵雖倚於殊常義終慚於非據故上聖方臨於宸極而微臣屢觸於天威自度孤危豈勝糜減敢意出綸之渥有嘉陳義之明幸引分之少安愧叨榮之愈甚茲蓋伏遇皇帝陛下重明必照大度并容謂臣粗業詩書諒亦有聞於古義憐臣稍知庶恥欲其無負於初心特屈憲章過形褒勸臣敢不服膺至教邁迹前修不忝不求何止終身之誦是藝是訓庶幾有極之歸臣無任

漳州到任謝表

朝散郎直寶文閣權發遣漳州軍州事朱熹上表臣熹言準勅差前件差遣已於四月二十四日到任訖抱病支離莫副光華之遣封章懇切更叨選用之良引避弗回兢惶失次即強扶於枯朽已親見於耄倪仰戴恩威

欽定四庫全書

明倫彙編
卷八十五

三

俯深感懼

中謝

伏念臣蚤由場屋獲廁縉紳惟自信其

迂愚故絕希於榮進中荷壽皇之深眷屢嘗收用而終

許退藏晚逢嗣聖之誤知亦既閔勞而復加任使凡此

兩朝之殊遇豈伊一介之能堪矧漳浦之名邦實閩

之絕徼青衫捧檄昔嘗粗習其土風白首分符今庶少

安於毗俗靜揣不才之分極知為幸之多此蓋伏遇皇

帝陛下近法舜功遠循堯道九德咸事尚憂片善之或

遺四方無虞猶軫一夫之不獲肆曲收於棄物俾加惠

欽定四庫全書

晦庵集
卷八十五

五

於遠黎臣敢不深體皇仁廣詢民瘼筋骸可勉豈忘盡

瘁之勤疾疢或加未免告歸之漬尚繫履屨卒遂生成

臣無任

除祕閣修撰謝表

朝散郎新授祕閣修撰主管南京鴻慶宮臣朱熹上表

言準告授前件職事臣再具辭免奉聖旨論譔之職以

寵名儒依已降指揮不許辭免臣已於八月二十三日

望闕謝恩祇受訖者愚誠屢黜初必冀於矜從成命莫

回反重勤於寢借叨踰已甚俯俸何容

中謝

伏念臣賦

質甚迂遭時獨異頃罷外臺之使薦陞內閣之華至於

論撰之除尤荷聖神之眷顧無名而有愧遂滬惓以祈

哀本謂壽皇知遇之深當卒全其素守敢意睿王清明

之始即洞鑒其丹衷逮茲因事以求閑重以收民之無

狀乃追黜幽之典復加申命之恩危惓再彈命音終閱

更諭崇儒之意俾知假寵之由仰隆指之若斯豈固辭

之敢必措躬無所引分弗遑此蓋伏遇皇帝陛下盛德

欽定四庫全書

晦庵集
卷八十五

五

日新至仁天覆欲風勵於四方之士誤用獎於一介之

臣臣敢不祇服訓詞恪思職業對揚休命惟慚薄技之

無堪敷暢遺絰尚冀方來之有補以茲塵瀆少答生成

瞻望闕廷臣無任

潭州到任謝表

朝散郎祕閣修撰權發遣潭州軍州事主管湖南安撫

司公事臣朱熹上表言臣昨準告命差臣前件差遣已

於五月初五日交割職事訖者衰病臥家不堪驅使誤